

# 1 TIMOTEO

## Paulo Ovoli Ɖtɔnyade Kĩ Ɖtsɛɛ Ɖma Timoteo

<sup>I</sup> Ovoli kīi to yī, Paulo, kī ĩnye Yesu Kristo foto ɔnyane, kī Baguma boe Ɖtene a pau, mo Kristo Yesu kī ye akū budeĩ kɔnete a sekē. <sup>II</sup> Nkɔa mmena no Timoteo, kī ɔnye yī obi ne katekado kame. Mawā kī Baguma boe Ɖlega, mo Kristo Yesu boe Ɖlate bemɔ mi kɔnya, bekena mi seme kale, bekpa mi lukudo lɛme.

*Paulo Kpa Kɔde Ne Fɔvā Fɔletsɛ Batsane a Akū.*

<sup>III</sup> Mawe kī buki kadzi ne Efeso nde ayekī nwe ntomena no sekē ne lɔko a kī ndzakū manaa Makedonia a. Bati badi deĩ ne awā kī batsa fɔvā fɔtsa ne Kristo katekado a akū, ade kene kī ate awe ne be akū a. <sup>IV</sup> Bi be kī befɔ lɔko kade kabula ne atitifo fɔletsɛ mo bawanyɔ bawanyɔ kasinu katokɔ fɔtsa katsa awe. Fɔletsɛ kīi bame katsa ayamena fɔletsɛ kavɛɛ ne bati kayite. Foe bame lenyé Baguma nhihie kī ekena. Katekado odi kame boatsā kanyi foe. <sup>V</sup> Letsa a kī de sū makpa no mbla kīi nye kī kene kī boanyi ɔdo a kī eto ɔwɔle kpalewa, adzuni kpalewa mo katekado wī kame. <sup>VI</sup> Leme bati badi muniki ne fɔtsa kīi liti, foesū beyela osi wī a, ade bekɔa be lɔko bekpa fɔletsɛ kavɛɛ mo fɔkɔasiatsa kale a. <sup>VII</sup> Bawe kī banya Mose mbla fɔtsa batsane. Leme baánu be moawe fɔletsɛ a kī bale, ĩye fukī bete bido mo ɔsī mo ɔsī a kayo malo.

**VIII** Boe flee bunyina kī Mose mbla a nene, nte boakena ne ye akū nde ayekī fofeta a. **IX** Kene kī boate ane kī betákena mbla bekpa bati wī, mbom bikī bafum Baguma mbla, bikī bideī ato osī, bikī benye tokpa bakenane, bikī binyina Baguma, mo bikī tokpa yi be kamekame. Badi leme nye bikī beláa katekado kadima kame, bikī bako be balega mo bama, mo awudifo. **X** Bati bebā leme nye bikī bekoa akū bekpa linyolewe mo litsolewe, banyole kī bawamo akū, bati kī bapili bati kano, bavālevā, bikī balo fubo kama fōvā, mo be flee a kī bitómo fotsa wī a katsa. **XI** Fotsa katsa kī a deī ne Kale Wī a kī bekoa bido ne yī awe kī nle a kame. Kale Wī a to Baguma a kī boakoa obu mo nhila kakpa a sekē.

*Bonye Baguma Kole Ne Ye Konya Kamō Sū.*

**XII** Nlápuli ĩnye boe Olate Yesu Kristo kole ne kobē a kī ekpa yī nne makena adzuma wī kī akū. Manye ye kole kī emó kī nkpola sū epau yī kī nkenya ye adzuma, **XIII** titō kī ne loko lidi kame ni, nsupa ye, ntomo ye liti, nvūna ye malo. Leme Baguma mó yī konya, kitonekī ne loko a na kame ni, ntáte ye ndo ade ntányi letsa a kī de nkakena a. **XIV** Ade boe Olate mó yī konya pii, efō nna katekado mo odo kī fonye boe fude ne omoa kakena mo Kristo Yesu kame.

**XV** Foletsa a kī male ne awī a nye onokoali kale paa, kī kene kī bati bete ke bido. Ade foe nye kī Kristo Yesu ya ne katinya kī kame kī yayaate tokpa bakenane. Yī nye okpade flefle ne be kame. **XVI** Leme Baguma mó yī konya ayekī Kristo Yesu aapuli ekoa yī a kī ĩnye tokpa okenane flee a,

etsa bati bemó ayekĩ edeĩ ɔwɔle bɔɛɛ, lɔkɔa bikĩ bayate ye bido a bena nkpã kĩ ela kawũna a. **XVII** Mifõ bɔkɔa obu mɔ kamu bɔkpa boe Lɛgã kĩ edzi kito titiiti a, kĩ bɔámɔ mɔ anɛ, kĩ ye odi keĩ nye Baguma a daa daa. Fɔya lómɔ.

**XVIII** Yĩ obi Timoteo, kɔde a kĩ makpa nɔ ne awĩ a tsẽ ne kate mɔ fɔlets a kĩ Baguma onukpẽ banyene le ne nɔ akũ biyi a akũ. Kɔa fɔlets kĩ kakena nde kawũkanɔ fɔtsa lɔkɔa kanɔ kawũ a kanɔ wĩ. **XIX** Pi nɔ katekado ne Kristo kame mɔ ɔwɔle kame kakpale kale mɔ ɔsĩ mɔ ɔsĩ. Bati badi tátse be tɔwɔle kame kɔde ade beyela be katekado a. **XX** Be kame badi nye Himenaio mɔ Aleksandro, kĩ nvele be sɔtɔ, nkɔa be ndo ne Abonsam awɛ. Fukĩ aafõ befõ fubusuotsa kale ne Baguma akũ.

## II

### *Paulo Kpa Kɔde Ne Ɔsum Akũ.*

**I** Fɔtsa fɔtonyade kĩ mawɛ kĩ mikena nye kĩ mibɔa mpae ne bati flee lolɔ. Mikaavia mi fɔtsa sĩwa mɔ be fude flee katomena Baguma sekẽ, mikaanye ye kɔle ne be flee lolɔ. **II** Mikaabɔa mpae kakpa fɔgã mɔ bikĩ bedzẽ ne bati onukpẽ, ayekĩ bɔadzi kulokulo ne lukudɔ kame, lɔkɔa bupuli busum Baguma ne obu kame. **III** Fukĩ nene, fɔade Baguma boe Ɔtene a kawɔle, **IV** kitonekĩ yawe kĩ odi nye odi ena kate lɔkɔa enu ɔnɔkɔali a kayɔ. **V** Ne ɔnɔkɔali kame ni, Baguma mɔape deĩ, ade ayea lemɛ lema ɔkplane mɔape deĩ ne Baguma mɔ batidziwa kayite a. Ade ye nye Kristo Yesu a. **VI** Ade ye lɔkɔa ye akũ ebɔa afolie ne bati flee lolɔ a. Ade fukĩ atsa kĩ lɔkɔ

wĩ a kĩ Baguma le eyi kĩ yaate katinya kame bati flee a wo ɔto a. <sup>VII</sup> Ade fukĩ sũ Baguma do yĩ nde foto ɔnyane mo fotsa ɔsane ne bikĩ benyẽ Yudafɔ sekẽ kĩ nde letsã ne katekado mo ɔnɔkɔali kale a akũ. Nnẽ fɔvã mama, ɔnɔkɔali kale male.

<sup>VIII</sup> Ne asoli adi nye adi kame ni, banyole a benya bikĩ be tɔwɔle kame kpale kĩ baapuli bedela akpɔ ne ode bebɔa mpae kĩ kalokpa ñye ɔdze lelãa be kame. <sup>IX</sup> Mawe lemẽ kĩ batsole bedɔla be akũ, bidzi tilima ne osi kĩ folãatsɔle ane akũ. Fɔnẽne kĩ basui tɔlɔ ne kahẽhe kame, bido sika ngbã mo fotsa kĩ fote kɔya. Betado tetadie kĩ tate kɔya lemẽ. <sup>X</sup> Mbom be fotsakelawa fɔnya fotsa wĩ nde batsole kĩ bekɔa be akũ bekpa Baguma. <sup>XI</sup> Kenẽ kĩ batsole bedɔla be akũ, bitse kulokulo bekɔle fotsa. <sup>XII</sup> Ntãkpa be osi kĩ batsa banyole fotsa ñye kĩ benya banyole akũ, mbom kenẽ kĩ bisua onukpẽ bidzi kulokulo. <sup>XIII</sup> Kitonẽkĩ Adam Baguma nya lɔto ebɔa fɔmo eyakena Eva. <sup>XIV</sup> Ade nnẽ Adam Abonsam ke, mbom otsole a eke ade efɔ efum Baguma mbla a. <sup>XV</sup> Lemẽ otsole aana nkpã ne ye kɔma kame nte edzi ne katekado mo ɔɔo kame, ekena ye akũ yedede ne akũ kadɔla kame lemẽ.

### III

*Paulo Tsa Kutidu a Kĩ Kɔfeta Asoli Lɔto Banyane.*

<sup>I</sup> Fɔnye ɔnɔkɔali kĩ nte oti odi awe kĩ yanya asoli lɔto ɔnyane ni, adzuma wĩ liti etomena. <sup>II</sup> Kenẽ kĩ asoli lɔto ɔnyane enya oti kĩ nfumusu lelãa ye akũ, kĩ ekɔã ɔtsɔ mɔape, ye adzuni waa yedede, yapi ye akũ ade bati akpa ye obu a. Kenẽ

kĩ enya oti kĩ yapuli kate banovõẽ ade yapuli katsa fotsa a. <sup>III</sup> Kẽtáne kĩ enya have owugane ìye oti kĩ ye ane kame tádo, mbom kene kĩ enya oti kĩ edo, kĩ yaákena odze, ade elá anengbã ne sika akũ a. <sup>IV</sup> Kene kĩ epuli edãmena ye toto akũ kadãmena wĩ, lokoa ye babi bibu foko ne osi nye osi akũ. <sup>V</sup> Kitonekĩ nte onyole lãpuli edãmena ye toto akũ ni, nde yaapuli ekpã Baguma asoli a? <sup>VI</sup> Kene kĩ enya oti kĩ ebuna owi ne asoli a kame, nte nné aye ni yaadela ye akũ ne ode, lokoa fotsã lukũta kame eyaato nde ayekĩ foya fokpa okesĩne a. <sup>VII</sup> Kene kĩ enya oti kĩ bikĩ benyé bate badone a malo aboa ye dĩ wĩ, ayekĩ eláado ye akũ konyoã lokoa ewo ne okesĩne a awe kame.

*Paulo Tsa Bikĩ Be Kene Kĩ Benya Babumenane Ne Asoli Kame.*

<sup>VIII</sup> Ade aye leme kene kĩ asoli loto banyane babumenane a malo banya bati kĩ bideĩ obla wĩ mo onokoli a. Benya bati kĩ baáwuga have ade belá anengbã ne sika leme akũ. <sup>IX</sup> Kene kĩ bapi katekado foletsa wĩ a kĩ benye betsa a bidomo akũ mo osĩ mo osĩ, bidzi mo towole kpalewa. <sup>X</sup> Ade kene kĩ baso be bedã ne asoli tudzuma tidi kakena kame. Nte bekpola ni, baapuli bekena adzuma nde loto banyane babumenane aye. <sup>XI</sup> Kene kĩ batsõ malo bena tebla wĩ, kĩ betanya bati kĩ bale bati akũ foletsa. Benya batsole kĩ baámõa have kawuga, kĩ badi onokoli ne letsa nye letsa kakena kame. <sup>XII</sup> Dã kĩ babumenane kĩĩ be kame odi nye odi deĩ otsõ moape, epuli yadãmena ye babi mo toto kame bati flee akũ kadã wĩ. <sup>XIII</sup> Babumenane a kĩ bakena be adzuma

kakena wĩ a deĩ kadzakõ wĩ ne bati ane, ade baapuli bena owole kobẽ bele kodzela ne be Kristo Yesu katekado akũ a.

*Miyi Kale Belawa Kpale a Jsũ.*

XIV-XV Titõ kĩ matsela ovoli kĩĩ mma nõ malo ni, nlamena osi kadã kĩ maayasela nõ ne lokõ lukũ kame. Leme matsela ye ayekĩ nte nkpa liti ni, aanyi ayekĩ bati bipi be akũ ne Baguma asoli a kame. Ade asoli a nye bikĩ bete Baguma a kĩ edzi nkpa daa bido, kĩ fonye luku kĩ lenone onokoli a. XVI Ne onokoli kame ni, kale a kĩ bekõa bekõla ne Baguma osum kame a nye kale kpale kĩ odima lelãapuli esĩ ke. Ade foe nye kĩ,

“Kristo ya ne katinya kame nde otidziwa aye

Baguma Hũhũ a nye etsa kĩ oti kpalewa yane.

Ode foto banyane mó ye,

ade bide letsã ne ye akũ ne fude fude kame a.

Bete ye bido ne katinya kame flee,

ade Baguma bõe ye enamena ode ne kukũkpale kame a.”

## IV

*Bati Aatomõ Fovã Fotsa Batsane Liti.*

I Hũhũ Kpalewa a nye etsa yededeede kĩ, ne fuwi nkae a kame ni, bati badi aafone onokoli katekado kĩĩ awe bitse hũhũ kpa a kĩ yake bati, mõ hũhũ kpa fotsa katsa. II Fovã bati kĩĩ aagbama fotsa katsa kĩĩ odu. Benye bikĩ be towole kame kakõna ku nde sobotsae mõ ovio bekõa bipila te. III Batsa fotsa kĩ kotsõ mõ konyõ kadzi lenene. Bale leme kĩ ketane kĩ bati anya funitsã fudi odu. Leme Baguma lekena

funitsã a na bame, kî bikî bete bido mo binyi onokoali a, bebõa mpæ ne foe akû benya. <sup>IV</sup> Ne ayekî letsa nye letsa kî Baguma boã nene sũ ni, ketãne kî bati asî funitsã fudima, mbom kene kî boate letsa nye letsa mo kolekanye ne foe akû. <sup>V</sup> Kitonekî Baguma kale a mo boe kolekanye a akpale funitsã a akû.

*Paulo Tsa Bati Kî Benye Kristo Yesu Basumune Wî.*

<sup>VI</sup> Nte atsa awaẽ ame bate badone fotsa kî bame ni, lokõa aanya Kristo Yesu osumune wî, kî bedõla mo katekado foletsa kî mo boe fotsa katsa wî a kî opini a. <sup>VII</sup> Foesũ vele no akû ne atitifo katekado foletsa mewa mo foletsa kî folá kayo owẽ. Kõa hũhũ kame nkpã kadzi kavele no akû. Baguma foletsa a, tomõ foe liti pintii, kadzi nkpã wî nde õte odone aye. <sup>VIII</sup> Akû õsî nene kõ, leme ayekî bakõle Baguma foletsa mo foe akû kakena akpa nfasõ kî ebẽ letsa nye letsa. Kitonekî foakpa no nfasõ ne nkpã kî kame mo nkpã ne wuda liti a leme kame. <sup>IX</sup> Ade onokoali kale kî kene kî odi nye odi ate edo a. <sup>X</sup> Ne fukî sũ boapuli kakena adzuma kõõba, kitonekî boe ane teĩ ne Baguma kî edzi nkpã a akû. Ye nye bati flee a kî titiliwu bikî bete bido a õtene.

<sup>XI</sup> Kene kî atsa be fotsa kî bame flee, õdã kî odi nye odi kole foe. <sup>XII</sup> Tafõ oti odima ledã no nde obisẽ ne ayekî õnye opopo sũ. Mbom kõa no akû kakena nfantuhũ wî kakpa bate badone a ne no kodzela, no õbla, no bati kawe, no katekado, mo no kadzi yedede kame. <sup>XIII</sup> Fõmõ maaya ni, kaakã Baguma kale a katsa be ne asoli, kakaanye foe kayo katsa be, katsa be fotsa leme. <sup>XIV</sup> Tafõ hũhũ

kame futetsa a kī Baguma kɔa edo ne nɔ kame a akū adzuma kakena. Bekpa nɔ foe bet̄sāmena Baguma onukpē banyene akū ne fɔlets a kī bele biyi a kame ne lɔkɔ a kī asoli banɔkɔē te awe ne nɔ akū a. <sup>XV</sup> Kɔa nɔ akū flee kakpa ne tudzuma kī flee kakena kame. Pi te kadomɔ akū ayekī bati flee aamɔ nɔ adzuma lɔtɔ kanaa biyi ɔsū. <sup>XVI</sup> Di nɔ akū oni ne fɔtsa a kī atsa a akū. Pi nɔ adzuma a kadomɔ akū, kitonekī nte ɔkena foe lomɔ ni, aate nɔ mɔawe a akū mɔ bikī batse nɔ kale a nkpā.

## V

*Dā Bakunawa, Lɔtɔ Banyane Mɔ Adzuma Bakenanɛ a Akū Kadā Wī.*

<sup>I</sup> Tawūni ne onyolenɔkɔē akū, mbom de ye ne obu kame nde aga aye. Bi bapopo tuwuli nde awaēnyole ame aye. <sup>II</sup> Bi batsolenɔkɔē tuwuli nde ama ame, mɔ bayitsɔ lemɛ nde awaētsole ame ne akū yedede kame.

<sup>III</sup> Kɔa obu kakpa bakunawa kī belá babumenane. <sup>IV</sup> Lemɛ nte okunawa odi deī babi iye bawa ni, babi a benya lɔtɔ bekɔle be ɔsum kame adzuma kakena kakpa be akū bati, lɔkɔa fɔtsā foe akū bedā be bamane akū bekɔa biyi be aye. Ade fukī nye lets a kī lawo Baguma ane a. <sup>V</sup> Okunawa kī elá odima kī yadāmena ye akū kɔa ye ane ete ne Baguma akū, yabɔa mpae lenye mɔ suwa kavia ye kabumena. <sup>VI</sup> Lemɛ okunawa kī ekɔa ye akū ekpa nkpā kanya ni, eku kɔkɔe ne Baguma ane titɔ kī edzi nkpā malo. <sup>VII</sup> Kpa be kɔde ne fɔtsa kī bame akū ayekī odima lelámɔ mfumsu ne be akū. <sup>VIII</sup> Ade nte mi kame



odi ládāmena ye akū bati akū, titiliwu ye toto kame bade akū ni, ade emuniki ne katekado a liti a. Oti kīi nye oti kpa ebē bikī betáte bido malo a.

<sup>IX</sup> Takoa okunawa odima kī etáte futeli aduesia tō dī obumo bakunawa kī bideī a. Letsa kī libu nye kī kene kī okunawa enya otsole kī bekoā deedimōape, <sup>X</sup> ade kene kī ena dī wī ne ye seme kale kakena sū, enya otsole kī edōola ye babi kadōola wī, yate banōvoē leme. Enya otsole kī yasum ye bakōba bate badone, yabumo bati kī bideī ne lubokamo kame, ade ekōa ye akū ekpa tuwī kakena a.

<sup>XI</sup> Takoa bakunawa kī betábo ane buī odo ne katsu a kame, kitonekī nte konyo kadzi ko be odo ni, baafone Kristo awe, <sup>XII</sup> ade baatu fubo a kī belo bekpa ye a lokoa ekō be koto. <sup>XIII</sup> Fukī fubu nye kī, babula be loko kade, katsā kamini ne bati toto kame, kadani banyonepo, kī bale bati akū foletsā, mo foletsā kī fotáfeta kale. <sup>XIV</sup> Foesū, mawe kī bakunawa kī betábo ane a bidzi fonyo bema babi, lokoa bedāmena be toto akū. Fukī aafō beláakena fotsa kī fotáfeta kī fōakpa boe bakesīne osi bekale tuwuli kpa ne boe akū. <sup>XV</sup> Male fukī kitonekī bakunawa pii yela osi kōkōe bitomo Abonsam.

<sup>XVI</sup> Leme nte bakunawa deī ne otsole ote odone odi awe ne ye toto kame ni, kene kī edā be akū, etakoa folotsa a ete ne asoli a akū. Fukī aafō bate badone a ledā bakunawa a kī belá babumenane a akū. <sup>XVII</sup> Kene kī bekpa bate badone banōkōē a kī bakpā bati kākpā wī a obu mo kōtōkase kutsu nviā, titiliwu bikī bakena adzuma mo osī mo osī ne fotsa katsa mo fotsa kayo kanye kame. <sup>XVIII</sup> Kitonekī Katsēle Kpalewa

a le kī, “Tasui oyae kī yabumō nō kamōne kagole onukpē.” ade, “Kene kī bise adzuma okenane koto bekpa adzuma a kī ekena a.” XIX Nte odi boe kale ne asoli onokōē akū ni, tate foe okpa ye mbōente otse kale otomena adansifo nviã ãye be elale sekē. XX Kã bati a kī bakena tokpa ane ne bate badone flee ane kame, ayekī foado babebã a libe.

XXI Ndzē ne Baguma, mō Kristo mō ode foto banyane ane kame mabi nō ne kudulike kame kī pi foto katsa a kadomō akū, tadã oti ane ne nō tudzuma kakena kame. XXII Tawe sowa kī ate awe ne odi akū okpa ye boe Olate adzuma kī ekena. Tado akū ne bati bebã tokpa kakena kame. Pi nō akū yededeede.

XXIII Ne seme kpa kī odeĩ sũ ni, takamōa mui odi mbom kaamōa bave sukuloo sukuloo fubumena nō.

XXIV Bati badi titikpa ane kanya moatse kanya be lotō kanamena kadze kame, leme badi kō, liti liti fomō be tokpa ane kanya. XXV Ade aye a tuwĩ kakena leme lãbela a, ade fukī fobela a malo fōane kanya.

## VI

I Kene kī bi bate badone a kī benye basumune a kī bekōa obu bekpa be balate ayekī odima lelãale tuwuli kpa ne Baguma dĩ mō boe foto katsa a akū. II Ade ketãfeta kī basumune a kī be balate nye bate badone bekōa be katekado kame omōa kakena sũ bisupa be balate a. Mbom kene kī bisum be kasum wĩ beba, kitonekĩ balate a kī bana be akū nfaso a nye be bate badone mō

bawene. Kene kī atsa be onokoali foletsa kīi lokoa odo be fi bekena ne foe akū.

*Misī Fovā Fotsa Katsa Mitomō Baguma Liti.*

III-IV Odi nye odi kī yatsa fotsa kī fotāketi mō boe Jlate Yesu Kristo onokoali foletsa, mō boe katekado fotsa katsa a ni, oti a naa dela ye akū ne ode, ade enyina letsama a. Edeī odo ne foletsa kavele mō odze kakena mō bati akū. Fukīi ayamena lineke kanō, odze kakena, bati kavūna mō adzuni kpa kakona ne oti akū. V Foe leme foayamena foletsa kavele moatse moatse. Bati kīi be lolō kame lēwaa yedede ade beyela onokoali kale a leme a. Bakona kī Baguma osum nye akū kana fotsa osi odi.

VI Fonye onokoali kī nte oti yoola ane ne Baguma liti katomena akū, mō fotsa a kī edeī a fuwo ye ane ni, edani osikani, VII kitonekī awe pupulidza bokoa boya ne katinya kame, ade bōadzakū mō awe pupulidza a. VIII Foesū nte budeī tilima mō funitsā ni, mifō fuwo boe ane. IX Leme bati a kī ane ayoola be ne akū kana fotsa akū ni, bawo ne sohuis kame ade batō a. Fokoasiatsa mō fowetsa kpa towē pini be foavele be kanamena lubo kamō mō kawō kame. X Kitonekī sika anengbā kame tokpa kumekume flee ane kato. Badi tomō sika kawē liti limii kī beyela katekado a, ade biwo ne ayolohō pii kī efō be towole te kaakpa kame a.

*Dza Pintii Ne Katekado Adzuma a Akū.*

XI Leme Timoteo, Baguma oti ane sū vele nō akū ne foletsa kpa kīi flee owē. Pili kakpa tuwī kakena, katomō Baguma liti ne katekado, odo mō owole kado, mō akū kadola kame. XII Pili kōoba

kanya nkpã kī elã kawūna a kakpa nɔ akū. Ade nkpã kī sū Baguma pau nɔ nɛ lɔkɔ a kī ɔnyɛ nɔ katekado ɔtsa pefee nɛ adansifo pii anɛ a. <sup>XIII</sup> Ade makpa nɔ mbla kī nɛ Baguma kī yakpa letsa nyɛ letsa nkpã, mɔ Kristo Yesu kī nyɛ ye katekado etsa pefee nɛ Pontio Pilato anɛ kame a dī akū kī, <sup>XIV</sup> pi foletsã kī kadomɔ akū pɛpɛpɛ ayekī odima leláamɔ tɔkpa nɛ nɔ akū, kɛnaawo Luwi a kī boe ɔlate Yesu Kristo aabuki ɛya. <sup>XV</sup> Baguma feta ɛkpa obu, yanya letsa nyɛ letsã akū, nyɛ fɔgã flee Legã. Letsã nyɛ letsã aɛ ye kī Baguma Kpale. Ade ye aanyɛ Kristo kanya nɛ lɔkɔ wī a kī eyi ɛkpa a kame a. <sup>XVI</sup> Ye odi keī dzi nkpã kī elã kawūna dadaada, edzi nɛ ɔhaī kī odima leláapuli efuã edã ye a kame. Odima támɔ tɔ ye ade odima leláapuli emó ye da. Ye fude nyɛ kamu, obu mɔ otumi daa. Fɔya lomɔ.

<sup>XVII</sup> Dɛ bikī bideī katinya kame akū fɔtsã kī betapia be akū, ade betakɔa anɛ bite nɛ akū kana fɔtsã a kī foláawa daa akū, mbom bekɔa anɛ bite nɛ Baguma kī ye akpa boe letsã nyɛ letsã mɔ semɛ kalɛ ayekī bóamɔ kawɔlɛ a akū. <sup>XVIII</sup> Bi be kī bekakɛna tuwī benya asikafɔ nɛ tudzuma wī kakɛna kame, bekɛna semɛ kalɛ, bekaate ahiãfɔ fɔtsã faa. <sup>XIX</sup> Ntɛ bekɛna foe lomɔ ni, baakpɔta fɔtsã kī fɔáwɔ biyi bekpa be akū nɛ kunya kame, lɔkɔa be aɛwɛ aata nkpã wī a.

<sup>XX</sup> Timoteo, dã fɔtsã a kī Baguma kɔa edo nɔ nɛ aɛwɛ a akū kadã wī. Tado akū nɛ kɔlomɛna pupulidza mɔ fɔkɔasiatsã kavɛlɛ kame. Ade fukī badi nɛɛ bakɛ bati kī kadikanyi foletsã fɔanɛ a. <sup>XXI</sup> Kitonɛkī badi bɔɛ be akū kī binyina fukīna bame, lemɛ fɔtsɛ foe akū beyɛla katekado osi a.

Mawã Baguma kĩ emɔ mi kɔnya.

**Baguma Apam Vɔɛ a Tuwuli**  
**Tuwuli: Baguma Apam Vɔɛ a Tuwuli New Testament**  
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 21 Feb 2024 from source  
files dated 29 Jan 2022

68df0193-2981-5275-8994-8f743fe01e5e